

影印
文淵閣

四庫全書

影印

文淵閣四庫全書

第一二〇八冊

北京出版集團公司
北京出版社

本册目次

楊仲弘集

元 楊 載撰……………一

范德機詩集

元 范 梈撰……………六七

文安集

補

遺

元 揭傒斯撰
錫喇布哈編……………一四九

翠寒集

元 宋 無撰……………二〇三

檜亭集

元 丁 復撰
元 饒介之撰
元 李謙之輯……………三三五

伊濱集

元 王 沂撰……………三九一

欽定四庫全書

集部
楊仲弘集卷一至五

詳校官庶吉士臣初喬齡
侍讀臣孫球覆勘

覆校官中書臣方大川

校對官中書臣吳旬華

騰錄監生臣沈浩

欽定四庫全書

集部五

楊仲宏集

別集類四元

提要

臣等謹案楊仲宏集八卷元楊載撰載字仲

宏浦城人後徙杭州初以布衣薦授翰林國

史院編修官調海船萬戶府照磨會仁宗復

行科舉之制遂登延祐二年進士授饒州路

同知浮梁州事終于寧國路總管府推官事

欽定四庫全書

楊仲宏集
提要

蹟具元史儒學傳竝國史經籍志載楊載

仲宏集四卷此本八卷不知何人所分元代

詩人世推虞揚范揭史稱其文章一以氣為

主而于詩尤有法度自其詩出一洗宋季之

陋云云蓋宋代詩派凡數變西崑傷于雕琢

一變而為元祐之朴雅元祐傷于平易一變

而為江西之生新南渡以後江西宗派盛極

而哀江湖諸人欲變之而力不勝于是仄徑

旁行相率而為瑣屑寒陋宋詩于是掃地矣
載生于詩道弊壞之後窮極而變乃復其始
風規雅贍雍雍有元祐之遺音史之所稱固
非溢美故清思不及范曄秀韻不及揭傒斯
權奇飛動尤不及虞集而四家並稱終無作
色益以此也都穆南濠詩話曰楊益載詩律
精切其追和李義山無題五首詞意兼到真
義山之初敵瞿宗吉歸田詩話曰楊仲宏以

宗陽宮詠月詩得名然他作如風雨五更雞

亂叫江湖千里雁相呼挾書萬里朝明主仗

劍三年別故鄉窓間夜雨銷銀燭城上春雲

壓綠旗空桑說法黃龍聽貝葉縉經白馬馱

沉雄典實先叔祖每稱之長篇如古墻行梅

梁歌亦皆為時所稱夫人瞿氏余祖姑也嘗

以仲宏親筆草稿數紙授予字畫端謹而前

後點竄幾盡蓋不苟作如是則載于是事亦

以苦吟得之者矣陶宗儀輟耕錄曰虞伯生
先生楊仲宏先生同在京日楊先生每言伯
生不能作詩虞先生載酒請問作詩之法楊
先生酒既酣盡為傾倒虞先生遂超悟其理
云云竟謂載詩在虞集上則非其實也乾隆
四十二年五月恭校上

總纂官臣紀昀臣陸錫熊臣孫士毅

總校官臣陸費墀

楊仲弘集原序

大德間余始得浦城楊君仲弘詩讀之恨不識其為人及至京師與余定交商論雅道則未嘗不與挺掌而說也皇慶初仲弘與余同為史官會時有纂述事每同舍下直已而猶相與回翔畱署或至見月月盡繼燭相語刻苦澹泊寒暑不易者唯余一二人耳故其後余以御史府用筦南憲架閣適海上仲弘復登乙卯進士第為浮梁別駕余遷江西仲弘亦改宣城理官相違十數年

欽定四庫全書

楊仲弘集
序

相距數千里迹雖如是而心固猶數晨夕也而仲弘竟未任宣城以卒烏乎慟哉余嘗觀於風騷以降漢魏下至六朝弊矣唐初陳子昂輩乘一時元氣之會卓然起而振之開元大歷之音由是丕變至晚宋又極矣今天下同文而治平盛大之音稱者絕少於斯際也方有望於仲弘也天又不年假之豈非命耶蓋仲弘之天稟曠達氣象宏朗開口論議直視千古每大衆廣席占紙命辭教睨橫放盡意所止衆方拘拘已獨坦坦衆方紆餘

已獨馳駿馬之長坂而無畱行故當時好之者雖多而知之者絕少要一代之傑作也仲弘有子尚幼其殘藁流落未有能為輯次者友人杜君伯原自武夷命僕曰將就其平生所得詩刻諸山中此誠知仲弘者而杜君猥謂罄仲弘海內之交相好又莫余若也俾為序之用掇其梗槩著于篇端致和元年六月一日臨江范梈序

欽定四庫全書

楊仲弘集
序

二

欽定四庫全書

楊仲弘集卷一

元 楊載 撰

雪軒

北風海上來大雪何壯哉上下九萬里洗淨無纖埃君
家十二樓軒窗洞然開吹笙擊鳴鼓呼賓與銜盃名言
落四座大笑聲如雷舉頭望長空高興驚冥鴻仙人五
六輩飛下白雲中粲粲明珠袍相從萬玉童問君何所
事未就丹鼎功翩然却攜手共入蓬萊宮

欽定四庫全書

楊仲弘集
卷一

次方韶父遊九鎖山韻

平生一枝筇畏踏市朝路出門見青山如鷓追狡兔茲
晨正炎暑赤日那肯算振衣得冷風超若忘世故冥冥
九鎖雲未曙心已慕想當挾良朋盡取奇絕處曠哉天
壤間寓物豈為痼歸來思舊丘我服寧改素無官正爾
佳有子亦堪據誰歟事虛名白首不知誤

桶底圖

巨鼇奮其首戴山出海中神人擇所處共搆金銀宮凭

高開戶牖屈曲互相通女仙七十二顏色如花紅一一

執樂器奏曲殊未終世傳桃源圖共徵彭澤翁此本出
異士雕刻尤精工天地極廣大為地當不同我願學仙
道積久乃有功鍊形去滓穢五色浮虛空一朝乘風去
浩然入無窮

次景遠學士立春日韻 四首

大雪入歲算其兆為有年漉漉始彌旬父老怨苦寒平
旦上馬去重裘忽如單況彼牛衣子束緼噓微煙賴有

欽定四庫全書

楊仲弘集
卷一

固窮節猶念及古先

又

古來有道士聲利不置懷顧於草木微而愛松若梅茲
辰閱庭戶適逢數花開芳意未渠央是足銜吾盃

又

人事重名實趨向盡百端丈夫負雄氣動欲追古賢於
意少不愜自放江海邊登高望八極雲氣生我前萬事
何足問所須惟酒錢

又

崎嶇既山曲迢遞亦水濱既見蓬葦士輒復忘為勤得之眉睫間我遇固已神所善但棲護豈暇從若人

送淳安徐教諭之任

握手出南城眷眷從此辭蒼茫寒江色日莫浮雲滋大舟挾雙艣輕若四馬馳淳安衆才彥竝遲得師資擊鼓會高堂帷帳春風吹執經列座下質問無留疑平生五車書少出胸中竒歛然聽佳譽庶用懌我思

欽定四庫全書

楊仲弘集

三

贈李尊師

李君神人也冥晦居山中還丹九轉成顏色如兒童致虛感元氣語默與天通頻歲傷水旱下民食不充曰雨須有雨曰風必有風上帝聞其賢行世多陰功策名紫虛府進位稱仙公騎龍上天去此樂無終窮

太古雪為楊友宜賦

往時天大風能吹華山裂墜此一卷石或云太古雪粵自開闢初雲氣所凝結已經六萬歲變化同截業望之

色正白表裏共澄澈塵土不能流光采耀日月願君勿愛此持以獻金闕回中避暑時持用消毒熱

胡氏刺虎圖

宛有烈婦人胡姓嫁劉氏從夫棗陽戍車宿水之澁夜半猛虎至銜夫入窟翳夫人自驚起不暇生為計直前執虎足盡力與牽制呼兒抽佩刀刃刺虎立斃夫命復不救復讐古所貴嗚呼流俗弊人義日以廢婦不失其夫臣子競為利患難圖苟免聞此得無媿吾故作此詩

欽定四庫全書

楊仲弘集

四

于以告萬世

溪山積雪圖

大雪歸溪山長林晝冥宵棧橋跨絕岸遠望行客少買魚酌新酒獨酌竟昏曉似此非他人高士戴安道

偕虞伯生魏雄卿魏池燕集分韻得閣字

侯家有貴客置酒燕池閣溽暑方盛極風雨俄大作移楊相簸蕩蒲荷紛偃薄亂叫失蛙鼃回翔迷鶴鶴街流汗穢盡竇湧波濤惡喧聲劇降殺神氣欣洗濯趣歡爭

酬酢獻笑雜歌号益弛劔佩嚴未厭觥籌錯調變維理
得滌漉宜施博和澤布原野溼烟散城郭嘉蔬已菁菁
良苗常濯濯吾徒家食餘豫有豐稔樂

題温日觀墨葡萄

日觀作葡萄電掃無踪跡誰於故紙上點綴辨墨筆西
天十萬里來往僅瞬息敗闕固不小遺下履一隻

題金壇宋氏自怡軒

白雲生何許萌芽自山石厥初僅毫末須臾大充斥蔓

欽定四庫全書

楊仲弘集
卷一

五

延塞虛空日月為昏匿或時為霖雨庶類蒙潤澤或隨
飄風散起滅竟無迹相緣千萬變發色黑青赤畸人飭
棟宇遠俗喜坐閒開軒納高曠撫翫自怡懌人情慕富
貴驅逐不暫息轉盼失故常在已何所得上下數千載
往事猶歷歷於焉服聖訓無用苦沉溺昔年陶隱居常
作帝王客挂冠神武門作詩寫胸臆超然處物外可謂
貞且白何以企若人鞠躬修道德

碣松為丁師善作

碣松高百尺磊落多大節連根抱危石古色黑如鐵隆
冬方冱寒山中積霜雪蘿萬悉枯老蒼崖猶凍裂此時
唯老幹峭直不推折國匠求美材瞻望歎奇絕險阻不
可致既作復中輟我願驅六丁操斧墮嶺嶻得此棟梁
材持以獻天闕

劉將軍詩

交趾小蠻夷去國將萬里土產無異物其人狀如鬼溼
熱生瘴氣疾者無不死天兵雖南征棄之良有以往年

欽定四庫全書

楊仲弘集
卷一

六

鄂州省綏靖失其理交馳赤白囊來告犯邊鄙遣人覘
虛實在廷孰可使矯矯劉將軍一旦備行李有才兼文
武不但善孤矢深入險惡地限敵纔一水介者數百人
視之若螻蟻移文至其國詰問事終始指摘中利害文
辭更深美報書禮甚恭敵邑何敢爾疆吏爭怨隙構煽
乃為此賄賂却勿受足以振綱紀威聲聞遠方一邊禍
為弭國家方全盛武備不可弛如此將帥才宜歌宿衛

士

古木詩

大木生何許乃在泰山隈泰山崖石裂怒木響如雷浸
潤長膏液根株日以培縱歷千百載霜雪不能摧長安
天子詔欲築九層臺臺上構宮殿青雲共徘徊匠氏走
海內博求棟梁材萬夫治道路揮斧重林開大器當大
用小器易剪裁有如豪侈士蹤跡困塵埃適可厚自養
毋為興歎哀

東山詩為葉子實賦

欽定四庫全書

楊仲弘集
卷一

七

東山高幾許上有浮空雲葉君居其間好道夙所聞窮
年絕人事兀坐攷遺文松關晝常掩石田朝自芸葆真
去汨昏養息襲氤氲軒冕有遺策高舉謝世紛悠悠阻
林莽長與麋鹿羣絲來巢許臣不事堯舜君

題恒齋

精金有恒質入火受百鍊君子有恒性寧逐外物變既
不慕富貴又不厭貧賤素履往無咎夷險隨所踐張侯
老世故此義頗深見勉之復勉之繼之在無倦

次仲實見寄韻

平居憶故舊懷抱輒不佳興來望浮雲悵恨獨舉盃奇
文孰能賞高言孰能偕茲辰辱使至喜有意問來諷誦
劇傾倒百過卷且開得知賢者心出處與作排山嶽縱
可移厥高固崔嵬敞廬邇喧市卑溼苦病骸常念川路
脩杖屨安得陪撫事意疎散毋論與俗乖猶恐戰不勝
常處澗谷隈斯言弗果踐臨風重徘徊

題文丞相書梅堂

欽定四庫全書

楊仲弘集
卷一

八

大厦就傾覆難以一木支惟公抱忠義挺然出天姿死
既得所處自顧乃不疑惻愴大江南名與日月垂我行
見遺墨再拜墮涕洟名堂有深意亦唯歲寒枝可知平
昔心慷慨非一時我我著棟宇昭昭示民知勿使風雨
敗永慰千古思

塞上曲

沙塞何宵宵樹短百草長大河屈曲流不復辨四方驅
車日將夕黑雲隱長岡人馬俱飢疲解鞍飲寒塘張坐

逐平地擊火燒烏羊桐酪過醇耐搖艷盈盃觴既醉訶
嗚嗚頓蹋如驚狂月從天外來耿耿流素光悲風動寥
廓拂面吹胡霜白鴈中夜飛參差自成行一箭落霜羽
挾弓負豪彊中情無留滯千載能鷹揚

邑中南峰陳翁義莊

骨肉分枝葉由來同一身榮枯不相待此富或彼貧君
子尚周急況復在親親昧茲損益理有覩獨何人南峰
自善士義勇超常倫焦心視末俗變化何由淳孰利佳
田園壑舟固有神割之惠宗族為世成吾仁仰止文正
公遺法實所循垂名倘不朽當與斯人均

偶題

叢生園中草蔚蔚媚幽姿乘時各敷榮皓色被綠枝似
有微香發秋風輒吹之入人襟袖中亦復可憐茲詰朝
步荒畦莖葉稍離披飄零即已矣霜露不爾私榮悴既
有時小大何異而幸愛七尺軀天道不可誣

夢讀退之詩頗奇詭已覺記其大旨作此篇

自聞蓬萊山大林夾長巒上生瘿藤蘿下生荆榛菅仰
不見天日藏蓄霧雨寒仙聖常所處沮洳亦少乾雖云
誇鳳凰出入傷羽翰哀音起空洞令人鼻準酸我欲訴
上帝為施鐵鑿鑽琢落石側裂化為千丈碧瓊樓與玉
殿玲瓏相通寬日月交戶牖光射青琅玕而我從吾師
來遊樂且般呼吸養元氣華腴生肺肝萬劫永不死如
循環無端竊為仙聖慮炳然心若丹上帝如許我致此
亦何難

欽定四庫全書

楊仲弘集
卷一

十

雪後次鄭集之韻

雪後登高望江山信奇哉重岡起且伏相連白皚皚水
官方謝事雲氣雪然開六龍翻滄海赤日從中來萬物
將蠢動忽如登春臺木行味正酸含菱先屬梅天時亦
相應初昏占斗魁遨遊自茲始入林踐蒼苔西湖青澗
澗西山高崔嵬長松更千載老枝多折摧名僧剏精舍
靜謐依巖隈伊予實放士正可誅蒿萊情深惟痛飲毋
吝發新醅家人欲求我但見白雲堆機心無自作可使

絕嫌猜君辭如泉酒我醉如山頽卜居同里巷時時得
追陪為瓶或先罄此恥當及壘大雅歌治世其音不宜
哀有倡必有和愧我非長才美哉春雪篇雲漢共昭回

次劉師魯韻

三年客塞上日夜懷舊丘飢來迫我去何暇為遠謀四
顧無一親此身如羈囚悲風動沙漠回首令人愁道路
已漫漫歲月復悠悠丈夫四方志至此何所求買船發
河上河水亦南流攜鉏理荒圃吾疾日已瘳飛雁至江

欽定四庫全書

楊仲弘集
卷一

十二

澣北風天始涼是時禾黍登斯人亦少康皇天降厚德
胡為私一方燕趙及齊魯人飢或相戕奈何有積廩如
陵復如罔生非肉食者此憂心甚長亟謀樹臬壤剪茅
覆小堂我志亦易豐歲祀有特羊

夏夜偕田郎中宿張子元家田君有詩用韻

長日氣甚昏欲睡不可忍薄葺更飲酒趣取太白引坐
久輒醒然累語加况矧高情逸世表遂使名迹泯彼人
較是非違者但微哂交遊半天下公輩獨英敏

橘中篇

竝海無山林莽莽皆平疇君家擇地利即此營菟裘
樹作藩屏青紅間綢繆其中植橘柚擁蔽枝葉稠盛夏
開白華朱實懸高秋飛霜虐萬物寒風助颼颼凌晨察
變候策杖巡維陬是何黃金多暴露宜藏收採摘資衆
力轉輸及佗州不長傳貸殖謂此同列侯上充國家賦
下貽筐筥謀千緜可坐致何必龍陽洲

次袁伯長韻

欽定四庫全書

楊仲弘集
卷一

十三

盤盤海底石竝樹青琅玕至陽生至陰龍宮常苦寒揚
光炫朝彩吐氣蒸微瀾根株歷千載莫測勞悴端端如
巢居子草木皮衣冠超然去人羣取友蹄與翰日誦黃
帝言浩歎淚闌干奈何天下治必以雲為官佩劍黃金
環咀丹白玉盤自聞至人德積熟生肺肝黃塵日算起
對面不相看三山在何處使我師王韓聊歌紫芝曲倚
君清夜彈

題屏風畫商山四老人

飛雪灑遙野衝波蕩無垠蟠蟠山谷間居此四老人下
為民庶師上作王家賓清風眇何許馳想寂寞濱

李御史之陝

秦中古帝都遺俗五方并君為監御史出治周百城上
當采民風下當宣德明赫赫英威振奸惡皆振驚弭節
事觀覽慷慨有高情宅土稱上腴后稷此躬耕秔稌既
充實烝民日已生我行由天下留滯客燕京岷然岐山
嶺嘗致鳳凰鳴駢駢不可追矯首望去旌贈詩聊自寫

欽定四庫全書

楊仲弘集
卷一

七

寸心西向傾

遣興偶作

春蔬茂前畦蒨蒨有顏色珍禽叫深樹過耳亦一適用
是易吾慮毋為自襲積放浪天地間無今亦無昔古人
得意處相與元不隔如何故人心未炤我胸臆徵言極
纖芥實出左右力豈憚決係踏人生且為客

書懷寄杜原父 二首

吾生何為者穉年志頗高神仙與功名壯思躍秋濤中

宵豈無寐悲甚幾欲號後來失所養百數患難逃竭力

奉甘旨出入身甚勞舊書益遺忘九牛存一毛稍後與

人事忍情如忍刀旦夕自惟念未足非兒曹常欲力道

德屢失迷所捺區區習蠹簡對案夜焚膏倘然有所得

中心樂陶陶忽如從古人握手共遊遨攜持亦何事庶

用娛蓬蒿追思作詠歌示之必賢豪丈夫生世間毋論

賤與貧夙發多意氣往往惟任真松柏生高岡挺然固

出羣不為霜雪阨不為風雨春得時可行道節義亦足

欽定四庫全書

楊仲弘集
卷一

十四

伸吾生托下土所識凡幾人窮交獨相慰笑語亦復親

又

遙望山下雲旦起迷羣岫老鶴巢其中縹緲標未搆長

鳴對秋月鳴罷復俛味散入墟落間聞者莫能究顧惟

雲外客娛心飲醇耐於此何如哉吾亦有所邁往來常

泛舟沂流浙江上是時秋風高濤水日夕壯瞬息踰百

里猛捷莫可狀倚船縱觀久力可騎駭况顧謂吾友言

為樂頗豪放斟酌尊中酒懷抱益虛曠常從山中遊實

愛巖谷幽長松蔭泉水四時清如秋佇立輒良久忽欲
忘其儔吾聞古來人山居多名流此語或可信市朝安
得留

黃天祥行三天數求詩

嘗論術數書其變難盡紀為之非賢聖亦多有妙理造
端無大異據六甲五子分門復析類包括備終始黃生
行三天有名聞遠邇蔓延善推測布算加積累吾行徧
天下所見亦多矣如生豈易得詣實不虛美往來江海

欽定四庫全書

楊仲弘集
卷一

五

上宿留隨所止省識凡幾人孰為豪傑士歲月瞥眼過
春花既紛萎蕭條臥旅邸風雨響窗紙勸生遊京師北
走五千里貴人多問命禍福常自擬兢兢恐踣墜有甚
履淵水為言徵無咎抵掌必歡喜徵名何足取奮步從
此起

題史仲憲重修三皇廟

史君宰宜黃政績頗殊異廉不至苟取明不可壅蔽有
詔行括田使者自臨視限期已促迫責在州縣吏乘時

自培尅上下受其弊君不憚勞苦日夜親算計頃畝無
增損成書極根抵隣壤大盜起相約不犯界三皇大聖
人典祀承國制捐金修廟學首政繫瞻視事事有條理
後來貌難繼集賢秉直筆稱述傳後世當今處風憲擇
才頗詳諦一朝任擊搏風采必嚴厲英主方在上明見
萬里外鄙詩或流聞亦可當獻替

贈無極進上人

進公宗門秀高標如長松霜雪亦摧折天矯化為龍燕
坐大道場五戒為垣墉魔賊悉散走不復事戰攻禪居
閱青峭窗戶加雲封長日語聲絕風動欄牙鐘

贈執中允上人

南山多白雲澶漫塞崖谷中有龐良叟寂寞卧林屋前
門樹高松後戶植幽竹孤風相纏繞波濤驚蕩沃梵文
五千卷誦說盡精熟時時發清唱鏗鏘擊金玉伊余走
海內一見輒嘆服願言從之遊淡泊心自足

靈龜篇為陳渭叟作馬尊師所画芝龜也

欽定四庫全書

楊仲弘集
卷一

六

蒼龜生中山深阻絕中道不飲亦不食靈和中自抱姬
休凝神液巖上產芝草支干集五采相射顏色好彼遊
江海上作計苦不早一罹豫且罔性命莫能保歸遺宋
元君天意資探討築宮修祠祭相承以為寶神者固如
斯遺骨易枯槁古聞蒙莊氏苦語欲相曉持為衛生經
千載長不老

欽定四庫全書

楊仲弘集卷二

元 楊載 撰

送凌吉叟

大江風雨暗此日送行舟會合能無間攜離祇自愁棄
繻才足恃題柱志初酬請看秋鴻舉冥冥獨未休

又

末俗唯無侶吾儒氣亦卑相從謀飲食那復敬師資衆
已欺王式吾猶信不疑可憐如鷄雀擾擾在藩籬

欽定四庫全書

楊仲弘集
卷二

一

初陽臺望月

彩雲相冪歷華露共嬋娟在水渾疑墮當空孰使懸潛
虬精魄動宿鶴羽毛鮮寂寂丹臺夜相從訝得仙

次韶卿壬寅元日又三日聞遊人頗盛之作韻

堂堂宵雨過粟粟曉寒仍獻歲人同得東郊事復興杜
門疑我拙有句愛君能且驗臨堦草從今日漸增

寄劉師魯

好在劉公子遨遊興若何江湖勞悵望歲月劇奔波迹

寄天涯遠詩傳海內多前賢題詠處一一為經過

又

想君遊宦處正值洞庭湖落日波濤壯晴天島嶼孤舟
航通漢沔風物覽衡巫天下文章散非君孰起予

龍井

元造生羣物唯龍德最靈作霖蘇亢旱取水竭滄溟變
化無留迹蜿蜒善養形壯哉吾羨汝一躍上青冥

贈吾子行

欽定四庫全書

楊仲弘集
卷二

二

春雨連城潤春雲映戶多長衢方淖淖小水亦風波慎
獨能如此思君可若何便當乘興去著屐一相過

東陽十題

焦桐

只作全生計唯存半死心芻蕘猶不置斤斧重相尋遂
使堪焦釜誰為愛古琴有材不足恃愁絕念知音

蠹簡

往古韋編在何年始汗青蠹蟲深卜宅料斗少成形泯

滅沾秦火搜羅出漢廷斯文天未喪不敢望全經

破硯

彼美端溪石家藏歲月多廉隅皆破缺筋力盡研磨玉
亦堅而已星如粲者何向來曾自詭持用擬高科

殘畫

斷裂無邊幅華堂棄置餘蒼松深踞地白鶴上凌虛風
格猶森若丹青總翳如苦心絕人事誰見用功初

舊劍

欽定四庫全書

楊仲弘集
卷二

三

匣裏雌雄劍通神世所聞潛精依厚地吐氣切高雲亦
有蛟龍害寧無星斗文不逢雷煥識埋沒復何云

塵鏡

收藏無寶匣歎息網絲懸孰使明為暗如觀醜勝妍玉
臺終寂寂金鵲尚翩翩政訝開元日虛將盛事傳

廢藥

二尺書檠在如今久棄捐魚膏雖有燭蠹簡獨無綠牆
下偕遺礫窗間帶舊烟却觀提挈處辛苦悔當年

敗裘

寂寞牛衣子能無敝緼袍塵埃須浣濯蟻蝨費爬搔
意味存雞肋寒涼視馬毛千金既銷鑠猶聽朔風號

斷碑

摩挲不成讀上有蘇班班字畫鍾王輩文章漢魏間
龜趺凋鼎屬螭首落孱顏渤海神明遠今同磴石頑

卧鐘

漢殿經焚後喞然卧草中雕殘牙板廢鏽澁土花蒙
追

欽定四庫全書

楊仲弘集
卷二

四

蠡難陳力華鯨不奏功待賢初設簾想見古人風

送屠存博

君往金陵郡於予亦有聞海環平野盡山出大江分
未
召元司馬誰憐鄭廣文自今師道立章薦必紛紛

又

江左知名士唯君德最淳明經初試吏食祿可榮親
矯
矯能違世棲棲直為貧朝廷求俊乂未易捨斯人

渡江寄俞仲連

舟濟大江濱中流日欲曛鹵翻沙際雪潮落渡頭雲
鯨躍常知候鴻飛不亂羣頗思論勝槩把酒莫如君

奉題伯父雙峰樵隱

山出雙峰秀溪流一派清土風存禮讓人事省將迎
路逐高低過田隨早晚耕家林有如此南望每關情

又

童稚離桑梓猶能憶故山雲峰乘白脚蘚石露蒼顏
插架詩書富應門禮義閒綠林遺我恨回首淚闌珊

欽定四庫全書

楊仲弘集
卷二

五

又

石樹盤根瘦沙溪激浪清竹間看犢卧木末見人行
檣事常分力樵歌輒和聲從來攜杖處不礙白雲生

又

山曲兩三家相過路不賒對門開竹逕臨水種梅花
酒熟留人醉詩成任客誇時時談舊事相看鬢垂華

又

草滿三春綠山留萬古青呼兒欣解意應俗憚勞形
採